

外科證治全書

外科證治全書卷三

環峯許克昌倫聲

同輯

木末畢 法蒼霖

項部證治

腦後發

失榮

癩癧

鈕扣風

項強

筋脈

頸項俗名脖項之前有缺盆缺盆之中即任脈之天突穴

為頸前居中第一行脈 缺盆之上有人迎穴喉間開

一寸五分屬胃為頸前第二行脈 人迎後一寸五分

名扶突穴屬大腸即頸前第三行脈 扶突後名天窗

穴屬小腸卽頸中第四行脈 天窗後爲膽脈頸中無
穴乃第五行脈 膽脈後名天牖穴屬三焦卽頸中第
六行脈 天牖後天柱穴屬膀胱卽頸中第七行脈
天柱後居頸之中央者督脈也 名天府自前中一行
至此爲第八行脈

缺盆 缺盆穴在橫骨上左右各一爲一十二經之道路 手陽明大腸手太陽小腸

足陽明胃足少陽膽手少陽三焦脈俱入缺盆手太陽
肺足陽明胃足少陽膽足太陽膀胱俱結缺盆

癰疽就簡

天柱疽 生項後高骨卽大椎骨也患形初起如臥蠶極痒 魚尾毒 生項後髮際下兩旁骨俗名燕

尾卽偏腦疽之百脈疽初發漫腫大小數塊環繞頸項小證也左右同其色紅紫痛熱不食氣逆咳嗽
結喉癰生項前結喉之上又名夾喉癰生結喉之兩旁俱按陽
癰陰疽則例治法

腦後發 俗名對口

生項後入髮際正中因與口對故俗名對口患偏兩傍則
名偏對口治當辨其紅白色紅者用五通丸醒消丸敗
毒散潰後托毒散醒消丸色白者用陽和湯十全大補
湯如口乾作渴飲水不歇小便頻數或淋瀝作痛舌上
燥黃如雞內金者乃腎水枯竭心火上炎此證最惡急
用加減八味丸以滋補之否則不救餘按癰疽治法

五通丸

通用五十

醒消丸

通用四十七

敗毒散

通用二十

內托散

通用三十八

陽和湯

通用五

十全大補湯

通用二十六

加減八味丸

通用四十六

失榮

生於肩之上耳之前後初起腫核皮色如常日漸長大堅
 鞭如石推之不移按之不痛半載一年方作陰痛由憂
 思恚怒痰氣凝結而成初宜服紫元丹消之每隔兩日
 進一服所隔之兩日以陽和湯犀黃丸早晚輪服外敷
 抑陰散如潰貼陽和解凝膏內亦以陽和湯犀黃丸輪
 服日日不閒可冀收功若經久潰氣血衰弱形體瘦削

破爛紫斑滲流血水或腫泛如蓮穢氣熏人愈久愈大
越潰越堅者俱屬敗證不治

紫元丹

通用五十一

陽和湯

通用五十八

犀黃丸

通用四十八

陽和解凝膏

通用七十七

抑陰散

通用五十八

瘰癧

小者爲瘰大者爲癧生於項間初起一小核在皮裏膜外
不覺疼痛皮色不異漸大如桃李旁增不一諸書辨其
名類云形軟遇怒卽腫盛者名氣癧堅鞭筋縮者名筋
癧形如蛤蜊堅鞭作痛作腫者名馬刀瘰癧一包而生
數十枚者名蓮子癧繞項而生者名蛇盤癧其形大小

不一連接數枚者名子母癰如黃豆結筴一般者名鎖
項癰形小多痒者名風癰生項間延至胸腋者名瓜藤
癰一枚上堆粟三五枚盤疊成攢者名重臺癰癰生如
鼠形名鼠癰又名鼠瘡累累如串俗名老鼠串要皆屬
肝腎虛損氣結痰凝而成初起用子龍丸每服三分淡
薑湯下日三次外敷烏骨膏小孩不能服丸者用小金
丹日日敷服至愈乃止數年忌食香橙食則復發

一內潰爛或成膿未潰者或兼有未盡成膿者則用犀
黃丸止其已潰之痛鬆其成膿未潰之脹消其未盡
成膿之核其已成膿者用敵頭膏穿之兼服溫補祛

痰活血壯氣之劑如陽和湯加味二陳湯加味保元湯四物養榮湯皆可隨宜選用外貼陽和解凝膏

一潰爛延至肩胸脇下不堪之極四五年不能愈者用洞天救苦丹三服犀黃丸六服按潰爛不斂規法服之外用荆芥根下一段剪碎煎湯溫洗良久敷雄樟散待九日後皮色變白孔內紅活接服大棗丸肌肉漸長用生肌藥收功

一有爛至咽喉飲熱湯外覺熱痛者乃危險之極稍遲則爛穿咽喉不救急取鞭柴心一根量本人中指量其三指共積一薪隨其長短男左女右就手之左右

即在手下之腳骨正中骨頂之處定準一直量上盡頭以墨記取艾團連灸三壯膏藥掩之可保咽喉不穿然後按前治法

一凡潰後瘡中或有紫塊不可妄用鍼刺當聽其自化
雄樟散

雄黃

樟腦等分

右研粉麻油調頻搗患上

灸瘰癧祕法存驗

取肩尖肘尖骨縫交接處各有一穴即手陽明經肩頰曲池二穴也當以指甲掐之覺有酸麻方是各灸

七壯在左灸左在右灸右左右俱病者俱灸之

按景岳云

嘗用此法甚效

又瘰癧不論已成未成已潰未潰俱宜灸之以手仰置
 肩上微舉起則肘骨尖自見卽是灸處以三四十壯
 爲度如患三四年不愈者辰時灸至申時三次灸卽
 愈更服溫補之劑按此法乃單灸曲池以多爲貴也
 然但用前法則已妙矣倘有不應者又當以此法治
 之

子龍丸 通用
五十六

小金丹 通用
五十二

犀黃丸 通用
四十八

陽和湯 通用
五

加味二陳湯 通用
十八

加味保元湯 通用
二十九

四物養榮湯

通用二十七

洞天救苦丹

通用五十三

烏龍膏

通用六十

陽和解凝膏

通用七十七

大棗丸

通用五十五

敵頭膏

通用六十一

瘰癧多由風熱毒邪與血氣相搏鬱結成核如貫珠於

耳項之間腫硬白色搖奪不動而有根者便是瘰癧

用藥多有不效最宜於用鐙火至易至妙

鐙火焦法

如瘰癧在左則焦左邊瘰癧在右則焦右邊前至頸上耳

腳下起離六分地一點一點直下乳次過脇上至肺

俞穴頸上耳後正在瘰癧上周圍一焦第二次照原路

空處補之便愈若只有核而搖動者不是瘰癧初起

紅腫便是癰疽不可作瘰癧治

陳遠公治瘰癧方名消串丹

白芍 一兩

白朮 一兩

柴胡 二錢

天花粉 三錢

茯苓 五錢

陳皮 一錢

附子 一片

甘草 一錢

蒲公英 三錢

紫背天葵 五錢

右水煎連服八劑將藥減半再服十劑而瘰癧盡化再

服一月全愈接服六君子湯以為善後之計斷不再

發此方妙在蒲公英與紫貝天葵為消串之神藥然

非佐之以白芍柴胡則肝木不平非輔之以白朮茯

苓則脾土不健何以勝攻痰破塊之烈哉又得附子

之力以引羣藥直搗中堅所以能起沈疴於旦夕耳
 又云人自久生癩癧兩頸之間盡多潰爛胸膈之上無
 非痰塊已有破頭欲腐者遂至身體寒熱肌肉消瘦
 飲食少思盜汗自汗驚悸慌惚此等證原係難治然
 治之有法尚可救也大約癩癧初起以解鬱爲先而
 佐以補虛以消其毒倘執尋常法祛痰敗毒爲事鮮
 不速斃者方用轉敗散

轉敗散

人蔘 二兩

柴胡 二錢

白芍 三錢

銀花 三兩

當歸 二兩

半夏 五錢

白朮 一兩

生甘草 三錢

水煎服四劑胸間之痰塊盡消再服四劑頸上潰爛亦
愈將前方減半再服十劑瘡口悉平再不發也

內消瘰癧應驗方

土貝母

白芷

各五錢

共爲細末糖霜調陳酒下三錢重者三服愈

又方

用鼠矢兩頭尖者爲雄圓者爲雌揀開各曬乾研末
男用雌女用雄將雞子一箇頂上打一小洞傾去白
但存黃入鼠矢在內以滿爲度攪勻用皮紙封固洞
口飯上蒸熟去殼臨臥時搓碎火酒送下隔一日再

服雖遠年破爛者不過三四次即愈未破者即消

鈕扣風

生於頸下天突穴之間由汗出之後邪風襲於皮膚起如粟米搔痒無度抓破津水誤用水洗浸淫成片輕者用芥菜花一味細末醋調敷之最妙或樟硫散熟豬脂調搽亦妙甚者須兼服消風散

消風散

荆芥

防風

蒼朮

當歸

薄荷

蟬蛻

石膏

木通

牛蒡子

各一錢五分

生地

三錢

甘草

七分

水煎食遠服

樟硫散

硫黃 一錢

樟腦

川椒紅

生白礬 各二錢

研末用白蘿蔔一箇掏空將藥填滿以蘿蔔蓋之紙包三四層灰火內煨半時許俟冷取出同熟豬油調稠搽患上

項強 俗名落枕

頸項強急轉移不便乃膀胱經感風寒溼氣所致或閃促亦令項強用硼砂研細以骨簪蘸津挑硼砂點兩目內淚出稍鬆連點三次立時即愈

胸部證治

井泉疽

心漏

龜胸

龜背

筋脈

胸結喉下曰缺盆缺盆下曰胸在膺之下
胸下曰鬲肝乃蔽心之骨心位在此
手太陰肺脈布

胸中筋結胸中手少陰心筋結胸中足太陰脾筋脈皆

散胸中足厥陰肝脈上胸中足少陽膽脈下胸中足少

陰腎脈入肺注胸中手厥陰胞絡脈起胸中筋散胸中

膺胸上兩旁足陽明胃脈到膺足少陽膽經繫膺
膺高處曰膺

癰疽就簡

甘疽生胸堂兩旁膺中疽生胸窩之上脾發疽生心窩下
膺中穴

同蜂窩疽 生胸側乳房之上形如蜂窩 蠱疽 生胸之上項之下鎖骨內

瘰癧發 生乳房 以上六證患盤不大俱按陽癰陰疽則

例治法

井泉疽 一名慢心銳毒

生於心胸屬任脈中庭穴初起心口內似有物塊漸大心

窩發高殆至毒陷即死此危險之證醫皆縮手治宜用

灸法以本人兩手十指用綫量其長短共積於綫在喉

管正中處雙環至背脊之中看兩綫頭盡處則為中穴

又以本人中指之中一節用柴心量準作一寸在中穴

之左右各開若許皆以墨記分立三穴如  每穴用艾

三大壯一齊灸之灸畢全愈

一起如豆粒腫痛燥熱者名穿心疔宜時服護心散以防毒陷按陽癰則例同疔瘡門參治

護心散

通用
四十一

心漏

胸前潰竅血液常流日久年深諸治罔效者鹿茸補漏丸主之人有胸間生瘡不慎酒色遂成漏竅常流血液久則神形困憊腰痛難伸偃僂人以爲心漏也孰知是腎衰而成漏乎方用溫腎丹

鹿茸補漏丸

鹿茸 酥炙 附子 炮等分 鹽花 減半

右棗肉搗為丸綠豆大每酒吞三十九

溫腎丹

鹿茸 二枚 附子 二箇 青鹽 人蔘 二兩

蔥 二枝 紅棗 四兩

右為細末紅棗煮熟搗為丸每空心酒下三十九服半月而腰痛減服月餘而心漏愈

龜胸 一名雞胸

生於胸中因陽虛痰凝氣結胸膈凸起如雞胸狀堅塌不痛不醫遂成終身殘疾初起可治年久難治從生下得

之可治從胎中帶者難治治之之法先用六君子湯數劑調其脾胃然後以紫元丹每隔兩日進一服所隔之兩日以小金丹陽和湯或陽和丸合加味二陳湯煎早晚輪服輕者半月重者一月即愈如患經潰不救

由感風熱凝注爲痰停滯心胸咳嗽喘促肺氣脹滿攻於胸膈漸成龜胸或乳母過食辛熱夏哺熱乳亦成此證治宜寬氣化痰丸

寬氣化痰丸

大黃 三分

杏仁

百合

木通

桑皮

甜葶藶

天冬

石膏

各五錢

右爲細末蜜丸黍米大食後臨臥白開水送下

六君子湯 通用 二十一 紫元丹 通用 五十一 陽和湯 通用 五

陽和丸 通用 六 加味二陳湯 通用 十八

龜背

由客風吹背傳入於髓故背突如龜或咳嗽久以致肺虛
腎無所生腎主骨風寒乘虛而入於筋骨致精血不能
流通故骨弓而馱治以松藥丹

松藥丹

松花 枳殼 防風 獨活 各一兩

麻黃 前胡 大黃 桂心 各五錢

右爲末蜜丸黍米大每服二十九丸粥飲下外以龜尿滴脊背中縫卽愈

按龜胸龜背乃先天大虛不足之敗證百中難救一二豈寬中化痰松蘂丹遂可治乎姑附之

乳部證治

乳癰

乳疽

吹乳

乳巖

乳懸

筋脈

乳房屬足陽明胃經乳頭屬足厥陰肝經

乳癰

乳房內結一塊紅腫熱痛大則言癰小則言癰由忿怒鬱結或多食厚味致厥陰之氣不行竅不通陽明之血壅拂於內故也初起用開結散五錢陳酒送服一服即愈如潰用醒消丸一服酒送以止其痛外貼洞天膏如潰久或老年人氣血衰傷膿出反痛惡寒發熱者須用人

珍湯補之自愈

開結散

香白芷炒

製乳香

製沒藥

浙貝母

當歸等分

右為末每服五錢熱陳酒調服專治乳癰乳疔一服即

消

又方存驗

紫河車草

貝母各三錢

右為末黃糖拌陳酒沖服醉蓋取汗

醒消丸通用

四十七 洞天膏通用

七十六 八珍湯通用

二十五

乳疽

乳房結腫一塊皮色不異堅鞭木痛治法同流注倘遇潰爛之甚者按潰爛不斂治法七日後接服大棗丸日服收功

大棗丸

通用
五十五

吹乳

吹乳者所乳之子口氣愀熱含乳而睡熱氣鼻風吹入乳孔氣逆乳凝遂致結腫于初起時亟煎蔥湯避風熏浴忍痛輕揉令稍軟任孩吮令乳透自可消散否則成癰癰則按前乳癰治法

乳巖

乳巖者於乳房結成隱核大如棊子不痛不痒肉色不變
多由憂鬱患難驚恐日夕積累肝氣橫逆脾氣消沮而
然積二三年後方成瘡陷以其形嵌坳似巖穴之狀故
名巖至此則不可救矣須於初起時用犀黃丸每服三
錢酒送下十服卽愈或用陽和湯加土貝母五錢煎服
數劑卽可消散如誤服寒劑誤貼膏藥定致日漸腫大
內作一抽之痛已覺遲治再若皮色變紫難以挽回勉
以陽和湯日服或犀黃丸日服或二藥早晚兼服服至
自潰而痛則外用大蟾六隻每日早晚取蟾破腹連雜

將蟾身刺數十孔貼于患口連貼三日內服千金托毒散三日後接服犀黃丸十全大補湯可救十中三四如潰後不痛而痒極者無一毫挽回大忌開刀開刀則翻花萬無一活男女皆然

犀黃丸

通用四十八

陽和湯

通用五

千金托毒散

通用三十八

十全大補湯

通用二十六

乳懸

此乃怪證也亦偶有之產後兩乳伸長形如雞腸垂過小腹痛難刻忍急用芎歸各一斤先各取四兩切片水煎頻服以所餘斤半切大塊產婦面前置棹棹下放火鑪

將芎歸入鑪漫火燒令婦伏於棹上口鼻吸煙如藥盡未痊再如前法煎服熏吸便可縮上倘不能復舊卽取葶麻子粒冷水磨塗頭頂其腸卽縮卽時洗去乃愈但日後再產復發萬無救矣

按乳懸其痛難忍原係怪證至危之病也是胃虛血燥而致用解懸湯時服救之外用芎歸各一斤切大塊產婦面前熏吸

有人左乳內忽大如桃不覺痛癢色亦不赤身體發熱形漸瘦損此肝木不舒痰氣鬱結用加味逍遙散服十劑愈

解懸湯

人蔘 二兩
當歸 四兩
川芎 二兩
荊芥 三錢

益母草 一兩
麥冬 一兩
炮薑 一錢

水煎連服四劑而乳頭收再四劑全愈

加味逍遙散

柴胡 二錢
白芍 五錢
當歸 三錢
陳皮 五錢

甘草 一錢
白朮 三錢
茯神 三錢
人蔘 一錢

川芎 一錢
瓜蒌 三錢
半夏 三錢

水煎服

和乳湯 治吹乳

貝母 三錢

花粉 三錢

當歸 一兩

蒲公英 一兩

生甘草 二錢

穿山甲

土炒研一錢五分或二錢

水煎服一劑乳通腫消

此方用貝母天花粉消胃中之壅痰痰壅而乳房之氣不通化其痰則胃火失其勢用蒲公英穿山甲解其熱毒利其關竅自然不攻而散矣又恐前藥過于迅逐加入當歸甘草補正和解正氣無傷而邪退舍矣

腋脇肋三部證治

黯疔

狐臭

蝦蟆氣

筋脈

腋俗名肱
肢窩

手太陰肺筋脈入腋手少陰心手太陽小腸筋

結腋足少陽膽筋走腋手厥陰胞絡抵腋

肱腋下為肱

脇下足厥陰肝足少陽膽脈俱布脇手厥陰胞絡筋脈

俱挾脇

季脇脇之下小肋骨
也俗名軟肋

手太陰肺筋抵季脇足少陽膽脈乘

季脇

眇季脇之下無肋骨足少陽膽筋乘眇

肋為肋後足太陰脾筋結肋足厥陰肝脉布肋

癰疽就簡

腋癰腋疽居在腋窩淵疽在腋下三寸肋癰肋疽一名夾熨在肋條骨間

脇癰脇疽生在肋下近軟肉俱按陽癰陰疽則例治法

黯疔

生肱肢窩中堅鞭勢如釘頭其色紫黑痒而且痛寒熱往來四肢拘急或煩燥作嘔痛引半背治法同疔

狐臭一名體氣

患狐臭者腋中有梭紋數孔臭從孔出治之方法頗多鮮

能除根止堪塞竅耳惟用銅青好者不拘多少米醋調成膏先以阜角湯洗淨腋下用輕粉摻過將膏塗之內用蒜肚方時常作饌食之其氣味可漸而退

蒜肚方

公豬肚一具入大蒜頭四十九枚去殼入肚內以綫紮口水煮極爛用鹽醋蘸肚隨便食之

又法

用癩蝦蟆一箇同入肚內如前煮爛去蝦蟆大蒜用熱酒食之洗浴發汗避風三日其臭頓改

蝦蟆氣

右脇有聲如蝦蟆常欲以手按之否則聲聲相接此因驚
氣入臟而成鎮驚硃砂丸主之以利為度

鎮驚硃砂丸

硃砂飛

雄黃

附子

炮去皮臍
各一兩

麝香一分

巴豆仁

二十粒
去油

右共研勻細末蜜搗丸麻子大每服三丸不拘時以車
前草煎湯下數日必下利如不利更加三丸至七丸
以利為度

肩部證治

筋脈

肩手陽明大腸手太陽小腸手少陽三焦筋脈俱至肩手

太陰肺筋結前髑足少陽膽脈至肩上肩井穴足太陽

膀胱結肩髑

肩解背為上兩角手太陽小腸脈出肩解

肩胛肩解下成片手陽明大腸手太陽小腸筋脈俱繞肩

胛

癰疽就簡

肩癰肩疽生肩正中乾疽生肩前廉過肩疽生肩後廉膠疽生肩下腋之後外層歧骨

縫肩風毒生肩梢骨縫中樂疽生肩後前腋之上骨縫開合空陷之中俱按陽癰

陰疽則例治法

膊臂手三部證治

病蝦

調癰

蛇頭疔

天蛇毒

蛇眼疔

蛇背疔

蛇節疔

蛇腹疔

泥鰍癰

代指

脫疽

癩瘡

狐尿刺

鵝掌風

鵝爪風

倒甲

丫指

血餘

擘蟹毒

筋脈

肩下曰膊膊下對腋曰臑臑盡處曰肘肘當背腕肘以下

為臂臂掌交接處為手腕手腕以上大指本節後肥肉

隆起處統謂之魚

接手大指

一名巨擘

屬肺肺脈自腋入臑至大指出其端肺筋

起于大指端少商穴之次穴有大指內側去爪甲如韭
葉爲肺井循手掌直上大指本節後有魚際穴爲肺榮
掌後橫紋頭有太淵穴爲肺腧太淵後有經渠穴爲肺
經手腕後一寸五分有列缺穴爲肺絡背腕曲中有尺
澤穴爲肺合循內側上臑

次指

一名食指

屬大腸大腸筋脈皆起于次指端商陽穴之次

穴去爪甲如韭葉爲大腸井溜于本節前內側爲二間
穴爲大腸榮注于本節後三間穴爲大腸腧過于合谷
穴爲大腸原上側中有陽谿穴爲大腸經腕後三寸有
偏歷穴爲大腸絡肘曲紋頭盡處有曲池穴爲大腸合

由是歷三里肘髎五里三穴直上

中指

一名將指

屬心包絡之脈自腋循臑入肘背至中中指出其

端其筋即起于內側之末中衝穴之次穴去爪甲如韭

葉為心井

心為天君其井喻等俱在包絡屈中指無名指兩者之間

取勞宮穴為心榮

掌後兩筋之間有大陵穴為心腧去腕二寸兩筋間有

內關穴為心絡去腕三寸有閒使穴為心經至肘曲中

央陷中有曲澤穴為心合循臑天泉穴而止

無名指

即小指之次指

屬三焦三焦筋脈俱起無名指外廉關衝

穴之次穴去爪甲如韭為三焦井溜于小指次指歧骨

陷中名液門穴為三焦榮注于本節後陷中名中渚穴

爲三焦膈結于手腕陷中之陽池穴爲三焦原直上腕後二寸名關外穴爲三焦絡腕後三寸名支溝穴爲三焦經結于肘外大骨上陷中名天井穴爲三焦合于是上臑

小指內側屬心外側屬小腸心脈循臑下肘屬小指之端心筋起小指之端內側少衝穴之次穴去爪甲如韭葉直上入掌內後廉歷神門穴在掌後兌骨中又歷通里穴在腕後一寸陷中又歷少海穴在肘後大骨外去肘端五分屈肘上頭得之又歷極泉穴在背內側下筋間小腸經脈俱起于小指外側少澤穴之次穴去爪甲一

分爲小腸井溜于小指外側本節前陷中名前谷穴爲
小腸榮注于小指外側本節後名後谿穴爲小腸腧直
上至于腕起骨陷中有腕骨爲小腸原踝下有陽谷穴
小腸經腕後五寸有支溝穴爲小腸絡肘下兌骨之後
有小海穴爲小腸合由是上臑

癰疽就簡

臑癰臑疽

生背之下肘之上

藕包毒

生臑後垂肉處一名鴨蛋毒

石榴疽

生肘尖上

寸肘癰

生手肘背而

兌疽

生于手腕裏面橫紋前稍動穴之間

穿骨疽

生掌後橫上三

寸兩筋陷中

手背發

于背

掌心毒

生手心勞宮穴若偏于掌邊名穿掌毒一名穿梗毒

又名鷓癰有單方用新桑葉不拘多少研爛卷之

虎口疽

生于大指次指歧骨間又名丫毒又名孽

癰毒初起漫腫色白木痛堅韌者按疽例治若初起黃色小泡麻痛根深隱隱有紅綫上攻腋內合谷疔須將疔眼挑去當紅綫盡處用鍼破斷按疔瘡用治法

生患者皆同此名 俱按陽癰陰疽則例治法

病蝦 一名肉蚤癰

生于手背形勢如蝦高梗橫長赤腫疼痛用嫩桑葉七錢

生地三錢冰片一分搗爛敷之

又方

用食鹽酒糟香油同炒令香淬以滾湯淋洗患處卽

消內服仙方活命飲如潰按陽癰陰疽則例治法

仙方活命飲 通用

調癰

患生手大指初漫腫漸如李青紫麻木痒痛徹心宜刺破

出膿血貼洞天膏服仙方活命飲倍黃芩

洞天膏

通用

七十六

仙方活命飲

通用

蛇頭疔

天蛇毒

此二證俱生手指頭尖初起小泡色紫疼痛堅鞭如釘者
名蛇頭疔初起悶腫無頭色紅痛如火療者名天蛇毒
其治法相同取白蘿蔔一段挖空以雄黃填入蒸半熟
套患指上或取烏梅搥碎去核肉只取仁研粉米醋調
塗皆可消如患色白者當作疽治小金丹服愈

小金丹 通用 五二

蛇眼疔

蛇背疔

蛇節疔

蛇腹疔

泥鰍癰

此五證名雖殊而治一也蛇眼疔生于指甲兩旁形如豆

粒色紫半含半露鞭似鐵釘蛇背疔生于指甲根後高

腫色紫蛇節疔一名蛙節疔生于中節遠指俱腫其色或黃

或紫蛇腹疔生于指中節前面腫如魚睛色赤疼痛泥

鰍癰一指通腫色紫形如泥鰍熾熱痛連肘背五證俱

敷雄黃散內服仙方活命飲潰貼洞天膏即愈

雄黃散

明雄黃 一錢
輕粉 五分
蟾酥 二分
冰片 一分

右共研細末新汲水調濃重湯炖温敷于患指用薄紙

裹之日三次

仙方活命飲

通用

洞天膏

通用
七十六

代指

生於指甲之內先腫焮熱疼痛應心初宜用蔥葉烏梅仁
搥碎去核肉只取仁共研和醋浸之或用甘草撲硝各
五錢煎水浸之亦瘥若至三四日後指甲背上微透一
點黃白色此係肉膿已成但無頭路潰出急用綫鍼在
指甲身上就膿頭處鍼一小孔膿方得出捏盡餘膿以

膏貼之若失治或過敷涼藥致毒膿遏鬱必潰浸好肉
爪甲脫落用洞天膏貼之一兩月方愈

脫疽 一名羌蠲

脫疽多生手指節中無名指上最多不紅不熱腫如蟾腹
疼痛乃少陰痰氣凝滯書云亟翦去其指可保其命遲
則腫延手足背救無術矣殊不知此亦疽也大人用陽
和湯小孩用小金丹最甚者用犀黃丸皆可消之若初
起色紅者則按泥鯁癰治法

陽和湯

通用

小金丹

通用

犀黃丸

通用

癰瘡

五十二

四十八

生於指掌之中形如茱萸兩手相對而生亦有成攢者起
黃白膿泡痒痛無時破津黃汁水時好時發極其疲頑
用藜蘆苦葶各一兩豬油八兩將二味炸枯濾去渣入
製松香末枯礬末各八錢雄黃細末一兩攪勻候溫塗
之以痊爲度忌食動風雞鵝魚腥等物

狐尿刺

此證大成書名狐狸刺外臺總錄二書名狐尿刺乃螳螂
當甚暑交媾精汁染於諸物乾久有毒人手足誤觸之
卽成此患初起紅紫斑點肌膚乾燥悶腫焮痛十日後
潰腐瘡口日寬宜服敗毒湯外以蒲公英連根濃煎洗

之如得鮮蒲公英搗汁塗患上更佳蓋螻螂又名野狐鼻涕此證取名乃本於此也

一云狐尿刺有孔刺痛有蟲用麴末和獨蒜杵勻納瘡孔中蟲出愈

鵝掌風

手足掌心燥癢起皮堅厚枯裂者以豆腐漿沫熱洗之輕者搽砒油每三四次至愈乃止如日久延及徧手枯裂極重者用二礬湯

砒油方

紅砒 一錢敲細如粉

右用麻油一兩煎至砒枯煙盡爲度去砒留油聽用凡患風之處先以火烘皮熱以油擦之日三次至愈乃止

二礬湯

白礬

阜礬

各四兩

兒茶

五錢

側柏葉

半斤

右用水十碗煎湯先用桐油搽抹患上取紙撚蘸桐油點著以煙焰向患上熏之片時方將前藥湯乘滾貯淨盆內以架上用布蓋令湯氣熏蒸勿令洩氣待湯微熱蘸洗良久一次可愈七日忌下湯水永不再發

鵝爪風

卽油灰指甲用白鳳仙花搗塗指甲上日日易之待至鳳
仙過時灰甲卽好

倒甲

爪甲忽然倒生肉內刺痛如錐食葵葉卽愈

丫指

手生了指疼痛無奈用通草爲末雞子清調敷卽愈
治丫指方

用石灰內未燒透石子澆生蜂蜜在粗石上椎融敷
患處一夜卽愈

血餘

十指斷壞惟有筋連無節因蟲出如燈心長數寸徧身緣
毛名血餘用茯苓胡黃連煎服卽愈

擘蟹毒

卽手大指之間所生俗名丫指用活蟹杵爛塗之

背部證治

筋脈

背從脊開一寸五分對第三椎曰肺俞對第五椎曰心俞
對第七椎曰鬲俞對第九椎曰肝俞對第十椎曰膽俞
對第十一椎曰脾俞對第十二椎曰胃俞對第十三椎
曰三焦俞對第十四椎曰腎俞對第十六椎曰大腸俞
對第十八椎曰小腸俞對第十九椎曰膀胱俞

從脊開三寸對肺俞曰魄戶故肺藏魄對心俞曰神堂故
心藏神對肝俞曰魂門故肝藏魂對脾俞曰意舍故脾
藏意對腎俞曰志室故腎藏志膏肓對四椎督脈主脊

手陽明大腸筋挾背手少陰心脈與脊裏細絡相連貫
足太陰脾筋著脊足少陰腎脈貫脊足太陽膀胱筋脈
挾脊分左右上頂

膂

脊兩旁
曰膂

足太陽膀胱脈循膂足少陰腎脈挾膂

發背

發背乃癰疽中大患因其患位對心對肺對臍耳偏曰手
搭發背因手可搭而名紅腫痛甚者屬陽以陽癰治法
初起用五通丸醒消丸早晚以散毒湯輪服則皮皴痛
息再服至愈如潰卽用內托散醒消丸亦早晚輪服外
貼洞天膏收功此陽發背之治法也色白腫痛或平塌

不痛者屬陰以流注陰疽治法初起用加味二陳湯加陽和丸或卽用陽和湯消之皮色稍變痛急難忍惟服陽和湯以止其痛消其未成膿之餘地使已成膿者至不痛而潰旣潰貼陽和解凝膏內服陽和湯氣虛者兼加味保元湯毒深兼犀黃丸早晚輪服至愈乃止愈後或背上仍如負板舒轉不快者用小金丹十九丸每日早晚兩進消其毒根自好此陰發背之治法也

再按背部之患如蓮子發蜂窩發陰陽二氣疽串疽連珠發禽疽痰注發黃瓜癰諸書名類頗多概名之發背洞曉陰疽陽癰變通治法則無誤矣

五通丸

通用五十

醒消丸

通用四十七

陽和丸

通用六

加味二陳湯

通用十八

陽和湯

通用五

犀黃丸

通用四十八

小金丹

通用五十二

加味保元湯

通用二十九

陽和解凝膏

通用七十七

洞天膏

通用七十六

腰部證治

腎俞發

紅癩毒

纏腰火丹

筋脈

腰即脊骨十四椎下十五
十六椎間尻之上也

足厥陰肝足少陰腎脈入腰足

太陽膀胱脈抵腰

腎俞發

生腎俞穴在脊骨兩旁陷肉處按陽癰陰疽則例治法

紅癩毒

腰間發一紅癩如癰兩邊各生一紅綫纏至臍腹則死用

墨水磨濃調雄黃末塗之即愈

纏腰火丹

生腰肋間纍纍如珠形有乾溼不同紅黃之異乾者色紅赤形如雲片上起風粟作痒發熱屬肝膽風熱宜服龍膽瀉肝湯溼者色黃或起白水泡大小不等作熱爛流水較乾者更疼屬肝脾溼熱宜服胃苓湯加山梔防風石膏其小泡用綫鍼穿破外俱用糞桶箍炭火燒存性研末香油調敷或用蛇蛻煨毛廁蹲板上泥等分麻油調敷俱效此證不速治纏腰已遍毒氣入臍令人膨脹悶嘔者危險須急治之

胃苓湯

蒼朮

陳皮

澤瀉

厚朴

豬苓

生甘草

右水煎溫服

除溼逐丹湯

治蛇串白泡

防風 五錢

蒼朮 三錢

赤苓 五錢

陳皮 一錢

厚朴 一錢

山梔 三錢

甘草 三分

白朮 三錢

薄桂 三錢

水煎服連服數劑丹退而愈

龍膽瀉肝湯

通用

腹部證治

橫痃

臍中出水

小兒臍溼臍瘡

小兒臍突

筋脈

臍人生胞蒂之處 手少陰心筋足太陰脾筋結臍足陽明胃筋脈

挾臍

臍腹臍之下曰少腹亦曰小腹 足厥陰肝脈抵少腹

癰疽就簡

幽癰 生臍上七寸上腕穴 中腕疽 生臍上四寸中腕穴 嚇癰 生臍上三寸建里穴 衝疽 生臍上二寸上腕穴

下腕穴 臍癰 生臍正中 箭袋癰 生腹旁左右同 少腹癰疽 生少腹

海丹田關元 緩疽 生少腹旁左右同 俱按陽癰陰疽則例治法

夕禾言
卷三
三
橫疔

生於少腹兩旁大骸界中形如腰子皮色不異鞭如結核按之微痛是也初起每日取阜角刺六錢爲末布袋盛之同糯米二合煮粥頻食三四日卽消或用子龍丸每服三分淡薑湯下日三次至愈乃止切忌用刀鍼刺破無膿惟出白膩漿主三百日內死自潰者亦然

一有自潰者用生料補中益氣湯小金丹日令輪服亦
有收功者少壯之人血氣未傷能自保攝雖潰猶可
救援十中二三也

一有身患楊梅又患橫疔者其間用藥最難惟用犀黃

丸每日空心時酒送三錢輕者十服重者加倍二證全愈

子龍丸

通用五十六

犀黃丸

通用四十八

臍中出水

臍中不痛不腫甚痒時流黃水或浸淫成片此腸胃積溼宜服芩連平胃散外撒三妙散即愈忌酒麪生冷果菜庶不復發

芩連平胃散

黃連

三錢

陳皮

三錢

蒼朮

一兩炒

生甘草

三錢

茯苓

一兩

厚朴

三錢

右共研細末每服三錢白滾湯調下

按臍中出水不腫不痛其無熱可知

用此方當去黃連加防風三五錢為妙

三妙散

檳榔

蒼朮生

黃蘗各等分

右共研細末乾搓臍上

小兒臍溼臍瘡

小兒沐浴不可久在水中任意洗濯既包裹畢宜時常留意不可令尿溼浸臍如不知慎遂致肚臍浸潰不乾名曰臍溼宜用枯礬龍骨等分共研細末乾撒臍上甚則焮赤成瘡名曰臍瘡用螵蛸散敷之

螻蛄散 通用 六十八

小兒臍突

嬰兒肚臍突出赤腫虛火是也用二豆散敷之日二次其
腫漸消

一初生旬日外兒臍忽腫如吹不紅捻動微響或驚悸
作嘔者此受寒溼也用白芍藥湯加苡仁煎汁頻灌
嬰兒敷藥如前

白芍藥湯

白芍 酒炒 一兩 澤瀉 五錢 生甘草 一錢 二分

肉桂 一錢 揀薄者 刮去粗皮

右共研粗末每用二錢水一鍾煎四分空心服如臍下

痛加鉤藤一錢薑一片食鹽五釐同煎

二豆散

赤小豆

淡豆豉

天南星

去皮臍

白蘞 各一錢

右爲細末每用五分芭蕉汁調敷臍四旁日二次

前陰證治

跨馬癰

便毒

懸癰

囊癰

子癰

囊脫

腎囊風

膀胱氣

陰頭癰

下疳瘡

猴子疔

小兒莖腫

膀胱氣痛

陰蝨瘡

強中

陰挺

陰腫

陰痒

陰脫

陰冷

陰癰

陰疝

筋脈

前陰

即陰器
男女同

足太陰脾筋足陽明胃筋聚陰器足厥陰肝

筋脈結陰器絡諸筋

毛際

小腹下橫骨間叢毛之際也

宗筋會於毛際足陽明胃筋脈入毛

際足少陽膽脈繞毛際

跨馬癰

生腎囊之旁大髀根裏夾縫中腫如鵝卵墮墜壅重赤色

痲痛初宜服仙方活命飲消之潰後用托毒散犀黃丸

愈之如初起患白色而鞭則名冬瓜疽當按陰疽則例

治法

仙方活命飲

通用一

犀黃丸

通用四十八

托毒散

通用三十八

便毒

一名血疔

便毒者言於不便之處為患也按便毒生小腹下髀根上

摺紋縫中卽橫痃之部位古書無橫痃之名故稱橫痃
爲便毒且謂因交感不潔遭淫毒而患者最多每每先
起下疳下疳未已便毒繼之斯言誠是也然旣稱橫痃
又名便毒二者證治迥殊何堪混同以治法論之初起
色紅焮熱腫痛大小便秘濇者此溼熱穢毒所發則爲
便毒用三黃丸每日熱陳酒送服醉取汗或兼龍膽瀉
肝湯早晚輪服卽消而愈如初起一核形微長如蛤色
白不紅堅鞭木痛者乃勞損虛弱之證則爲橫痃當按
腹部橫痃治法或有兼下疳楊梅而發者亦屬虛損所
致須二證皆宜之藥除犀黃丸外別無他法日令服之

外科諸病全書 卷三
自可痊愈

一魚口卽斯證潰後之別名也因生小腹下大骹根縫中其瘡口漸大身立則口必合身屈則口必張形如魚口開合之狀故有魚口之名最難斂口當問其初起色紅色白按法治之兼服補益氣血之劑以冀僥倖

三黃丸

通用四十九

犀黃丸

通用四十八

龍膽瀉肝湯

通用九

懸癰

一名騎馬癰
一名老鼠偷糞

生肛門前陰根近後陰兩相交界之處初起細粒漸如蓮子數日大如桃李其色紅嫩痛者急用生甘草熟軍各

三錢酒煎空心服一劑卽愈如成膿則用醒消丸旣潰兼以國老煎輪服以速斂爲貴其色白堅鞭者用小金丹消之如潰兼以鹿角膠三錢清晨酒化下每日輪服或用溫補氣血之劑同小金丹早晚輪服亦妙至愈乃止斯證潰後一經走洩卽生管成漏大小便從此滲出血脈瀝盡而死證同怯損諸漏可治獨此不能治治則漏管愈大遂成海底漏

懸癰多有由忍精提氣而成所謂欲洩不洩化爲膿血是也最難療治以其部位皮肉與他處不同蓋他處皮肉或橫生或直生俱易合口而懸癰之處橫中有

直直中有橫一有損傷不易收功初起色赤焮痛者
用逐邪至神丹銀花四兩蒲公英二兩人蔞一兩生
甘草一兩當歸一兩大黃五錢天花粉二錢水煎服
一劑消毒二劑全愈潰者三劑可以收功此方用銀
花蒲公英佐之蔞歸又用大黃五錢攻逐虛人似乎
非宜初起毒正盛乘其初起之時正氣未衰補而兼
瀉之藥方爲得宜倘因循失治或畏縮不前及至流
膿出血正氣蕭索始用蔞者補氣往往用至數斤尙
不能復原何不早用補藥於化毒之中正氣無傷毒
又解散矣

國老煎

粉甘草

一兩截斷用湖內水浸潤漫火炙透

右一味細剉用無灰酒煎服

醒消丸

通用四十七

小金丹

通用五十二

囊癰

陰囊紅腫焮熱疼痛乃肝脾溼熱下注龍膽瀉肝湯加澤

瀉主之如潰則按後囊脫治法

子癰

腎子作痛下墜不能升上外現紅色者子癰也或左或右

故俗名偏墜遲則潰爛莫治當其未成膿時用枸橘湯

一服可愈小兒偏墜腎囊子或一箇腫大一箇小用香
薷厚朴枳殼薑汁炒木通扁豆生薑甘草車前葉煎服或
用萬年青根五寸去黑皮搗碎白酒煎服不喫渣卽愈
枸橘湯

枸橘 全箇

川棟子

秦艽

陳皮

赤芍

生甘草

防風

澤瀉 各三錢

右水煎食前頓服

按此方當加柴胡一錢五分爲安熱痛者更加梔仁一錢或黃芩一錢

囊脫

陰囊生毒破爛腎子落出臭氣難聞外用紫蘇煎湯日洗
更取紫蘇連梗葉爲末日敷以青荷葉裹之內服黃連

五分黃芩歸尾連翹木通各一錢五分甘草一錢煎服
俟其爛孔收小肌色紅白服歸芍地黃湯敷生肌藥收
功

腎子爛出老杉木燒灰存性蘇葉末各等分研細末敷
上仍以蘇葉包之

腎囊腫如琉璃鏡樣用塘內水上無根浮萍以篩盛之
下用水一盆置篩於盆上烈日曬乾爲末每服二三
錢卽消腫痛如用鍋焙萬不能乾

歸芍地黃湯

通川三
十七

腎囊風

一名繡毬風

腎囊燥痒係膀胱風熱用合掌散以右手手中指蘸滿香油
黏藥塗入左手手心合掌磨擦數次只有藥氣不見藥形
爲度將兩掌搓擦患處每日早晚擦二三次三日卽愈
再擦三四日不發

一有溼熱抓破成瘡者則用黃丹枯礬生牡蠣等分爲
末擦散卽愈或以蛇牀子同白礬煎湯洗之亦愈

合掌散

硫黃 一兩

鐵鏽 一錢
二分

紅砒 五分

右共研極細如麪取蔥汁調和塗入大碗內勿使厚薄
以碗覆於瓦上取艾置碗下熏之待熏至藥乾敲藥

腕聲同空腕無異爲度取藥再研極細聽用

膀胱氣

陰囊腫大如斗陰莖縮內小便不快此腎虛受邪五苓散

加葱白茴香鹽主之外取生蔓菁根即諸葛菜根搗敷奇效

五苓散

豬苓

去黑皮一錢

茯苓

一錢

白朮

一錢二分

澤瀉

一錢

肉桂

五分

右水煎服或爲細末開水調服

又方

用蛇牀子爲末雞子黃調敷

陰頭癰

陰頭紫腫疼痛名陰頭癰用鼈甲煨為末雞子清調敷

下疳瘡

下疳一證屬肝腎督三經之病諸書分下疳生馬口下疳生

莖上袖口疳莖上生瘡外蠟蠟笑疳久雞瞪疳痛引睪丸

瘙疳痛而多痒潰而根疳馬口旁有孔如梭眼眼楊梅

疳生楊梅瘡時誤用熏擦楊梅內疳生楊梅瘡時服輕

以致便溺尿管內刺痛等名其治不離乎內因外因兩法內因者

由慾火猖動不能發洩致敗精溼熱爾滯為患加味道

遙散六味地黃丸主之外敷螬蛸散溼熱既清其瘡自

愈無足慮也外因者由娼婦陰器瘀濁未淨輒與交媾致淫精卵毒感觸精宮爲患最不易愈如治得法亦必發出便毒穢瘡下疳以洩其毒始愈宜服龍膽瀉肝湯三黃丸疼痛難忍者用聖靈丹五分數服奏功倘潰爛日久真陰虧損須禁用苦寒惟用三黃丸六味地黃丸早晚輪服爲妙外以忍冬生甘草各一兩赤皮蔥三莖槐枝六十寸煎湯日洗二次鰲蛸散敷之

近錄槐花藥一方治疳甚效不拘內因外因凡毒輕者宜用之景岳先生云嘗治一少年因觸穢毒遂患下疳始潰龜頭敷治不效隨從馬口延入尿管以漸而

深直至肛門逐節腫痛形如魚骨每過夜則膿結馬口脹不得出潤而通之則先膿後尿敷洗皆不能及甚爲危懼余曾遇一山叟傳得槐花菜方法以治之不十日而莖根漸愈半月則內達外退至馬口而全愈疔愈後卽現些微廣瘡復與五加皮飲十餘劑而全愈

毒結龜頭生疔往往有腐爛連龜身爛落者世人多以
外敷藥治之雖外藥不可少然不先治其內遽用外
藥以止遏不啻如石壓卵也先用毒神散黃檗三錢
茯苓一兩生甘草三錢炒山梔三錢肉桂一錢水煎

服四劑則內證火毒從小便出疼痛稍止然後用生勢丹敷之炒黃檗三兩兒茶一兩冰片三分生草一兩大黃三錢乳香一錢沒藥一錢麝香三分丹砂一錢各爲極細末和勻糝之糝上卽止痛逢溼卽糝不數日膿盡血乾肉筋再長如舊一月全愈但不能再長龜頭也愈後須補氣血用十全大補湯服數十劑則外勢仍然伸縮尙可種子

一有疔瘡初發多先病魚口苟不急治必遍身生瘡遷延歲月腐爛身體多不可救故必須早治爲妙治法宜於補中藥內加消毒藥則毒盡出不致身體虧損

方用人澆一兩生耆一兩當歸一兩遠志三錢生草
三錢銀花一兩大黃一兩石膏一兩柴胡二錢白朮
一兩天花粉三錢水煎服一劑而大便瀉出惡物臭
穢不堪恐外人傳染須掘土埋之再服二劑惡穢盡
洩不留於腸胃矣後去大黃石膏加土茯苓二兩同
煎再四劑則一身上下與頭面之間必有隱隱瘡影
現於皮膚之內再服二劑瘡影漸消再服二劑全愈
永不發矣此方用大黃以洩其毒石膏以消其毒甘
草銀花以化其毒柴胡天花粉以散其毒更助以大
補血之藥此方余親試而取效也倘病人陰虛陽燥

方中可加熱地敷兩或加元蔴一兩亦可餘藥不可亂加也

下疳明礬皂礬各等分爲末裝一大五椀子內燒灰存性研細末再加冰片三分兒茶少許先用甘草水洗淨然後搽之百發百中橄欖核燒灰敷蛀疳良

下疳陰痒生甘草煎湯熏洗用海螵蛸散搽之又方龍

甲爲末雞子清調敷

附方 存驗

生甘草

右一味研細末蜜調塗疳瘡神效

加味逍遙散

通用十六

三黃丸

通用十九

六味地黃湯

通用十三

龍膽瀉肝湯

通用九

槐花藥

通用十二

海螵蛸散

通用十八

聖靈丹

見楊梅結毒

猴子疔

是證小兒多得之從肛門或陰囊邊紅暈爛起漸至皮膚不結靨或眼梢口旁亦紅若不早治必至爛死此證切忌洗浴只用軟棉帛蘸甘草湯拭淨用藥雖延蔓遍身可保立愈此方已屢試見效矣

綠豆粉 一兩

輕粉 一錢五分

漂砂 一錢

冰片 一分或二分

為極細末將金汁調鵝毛蘸敷上如無金汁雪水亦可

或甘草燈心湯亦可一方輕粉用二錢加牛黃一分
內再服退毒散乳母亦宜藥戩分增減諒精神強弱
服之

黃連

銀花

連翹

甘草

赤芍

當歸

牛膝

桔梗

黑山梔

薄荷

木通

等分

用新汲水煎滓再煎食遠服

小兒莖腫

小兒莖腫莖卽陽物如腫痛用黃連木通各一錢煎服卽
愈

膀胱氣痛

膀胱氣痛凡小兒小腸氣痛與膀胱氣痛皆在臍下氣海兩邊筋腫到腎囊邊痛不可忍治用川棟子橋核小茴香荔枝核俱焙炒爲末白酒熱調三四錢服之不數服卽愈

陰蝨瘡

一名八腳蟲

前陰毛際內由慾後失洗不潔搏滯生蟲起疙瘡或紅或白瘙癢難忍用百部浸燒酒頻擦之卽愈或以生白果仁擦之亦效如毛內如豆如餅發痒結如蠟皮者楊梅毒也當按楊梅瘡治法

強中

一名腎漏
一名姤精

玉莖強鞭不痿精流不止痛如鍼刺乃腎滯漏疾也用韭
菜子補骨脂各一兩炒爲末每六錢水一碗煎半服接
服大劑六味地黃湯

六味地黃湯

通用四
十三

陰挺

陰戶中突出如菌芝或挺出數寸此因胞絡傷損或分娩
過勞或熱鬱下墜治當升補元氣爲主補中益氣湯加
味道遙散早晚輪服外用生豬脂調藜蘆末塗之

陰腫

一名蚌疽

陰腫陰戶忽然腫而疼痛由肝脾傷損溼熱下注肝傷而
翻突如餅如雞冠或潰爛四物湯加柴胡山梔丹皮膽
草主之脾傷則悶腫墜痛補中益氣湯加丹皮山梔主
之外用甘菊苗葉不拘多少搗爛以滾水淋汁熏浸洗
之

四物湯

通用二

補中益氣湯

通用三十

陰痒

一名陰蝕
一名陰蝨

陰痒三蟲在腸胃因臟虛蝕陰微則痒甚則痛或外生疙
瘡或膿水淋漓宜用加味逍遙散加槐實白斂外用蛇
牀子一兩白礬五錢煎湯淋洗用桃仁研膏和雄黃末

或用雞肝納陰中

此證亦有肝脾虧損溼熱下注而痒者補中益氣湯加

山梔丹皮芍藥

加味逍遙散

通用十六

補中益氣湯

通用三十

陰脫

陰戶開不閉痒痛出水由腎元不固陰分有火用加味逍

遙散加味歸脾湯如產後得者補中益氣湯加五味子

醋炒白芍外俱用荆芥枳殼訶子五倍子各一兩煎湯

熏洗

陰冷

婦人陰冷有寒證有熱證寒由陽虛熱由溼熱溼熱者必
小便澀數黃赤大便燥結煩渴加味逍遙散主之陽虛
者必小便清利腹中或痛畏寒八味地黃湯主之

加味逍遙散

通用十六

八味地黃湯

通用四十五

陰癩 俗名癩胡盧

陰癩卽婦人子宮脫出乃氣虛下陷小便先似有堵塞之
意因而努力久之隨努而下須令穩婆扶正胡盧患婦
仰臥以枕墊腰吹噓藥取噓收之倘不收用草麻子肉
搗爛貼頂仍如前法仰臥墊腰吹噓藥收之既收入隨
去草麻子肉令其緊閉陰戶以布帛將兩骹並縛內用

補中益氣湯倍升麻黃耆大劑服之如因產而患者治法亦同

補中益氣湯

通用
三十

陰疝

陰疝小腸兩旁頂起脹疼係肝腎寒邪逍遙散加木香沈香檳榔主之

逍遙散

通用
十五

後陰證治

臟毒

痔瘡

附痔漏

坐板瘡

肛門作痒

脫肛

截腸

筋脈

後陰

即肛門

手太陰肺手陽明大腸所主之地

尻

尾骶骨

足少陽膽經結尻

臀

尻肉

足太陽膀胱脈貫臀筋亦結臀

癰疽就簡

鶴口

疽坐馬癰

生尾尻高骨尖處

臀癰臀疽

生臀肉厚處

上馬癰下馬

癰

生臀肉之上分左右為上馬右為下馬

俱按陽癰陰疽則例治法

臟毒

臟毒者醇酒厚味勤勞辛苦蘊毒流注肛門結成腫塊其
證有內外虛實之別發於外者肛門兩旁突腫形如桃
李大便秘結小水短赤甚者肛門重墜緊閉下氣不通
刺痛如錐齶數有力此屬實熱易治用四順清涼飲內
消沃雪湯通利大小便外用田螺水擦之發於內者在
肛門內結腫刺痛如錐大便虛秘小便淋漓或咳嗽生
痰或寒熱往來遇夜則尤甚齶數無力此屬陰虛溼熱
滲注難治用四物湯加焦黃檗知母甘草木通兼六味
地黃丸調治自安元氣虛陷及潰膿水者用補中益氣
湯加地黃槐花天花粉或兼六味地黃湯早晚輪服

西順清涼飲

連翹

赤芍

防風

當歸

山梔仁

生甘草

檳榔

木香

各一錢

大黃

炒二錢

右酒水各半煎

內消沃雪湯

青皮

陳皮

製乳香

製沒藥

當歸

丹皮

甘草節

廣木香

皂角刺

穿山甲

山梔

浙貝

各一錢五分

右酒水各半煎服便秘者加大黃

田螺水

用大田螺一箇刀尖挑起螺厖入冰片末五釐平放
瓷盤內待片時螺竅滲出漿水用雞翎蘸點患處

按此

方治痔腫
外痛亦妙

四物湯

通用二
十三

補中益氣湯

通用
三十

六味地黃丸

通用四
十三

痔瘡附痔漏

一痔瘡有患肛門內者有患肛門外者其肛門邊生出數
瘡腫而突出膿潰即散者為牝痔肛門邊露出如珠狀
如鼠奶淋血流膿者為牡痔腸口顆顆發癩且痛且痒
血淋漓者為齧痔肛門內結核出血發寒熱登廁則脫

肛者爲腸痔肛門腫痛遇怒卽發怒息則安者爲氣痔
酒醉卽腫痛流血者爲酒痔同房後卽腫痛發者爲色
痔每大便注有血不止者爲血痔名類頗多總因醉飽
入房筋脈橫解精氣脫洩熱毒乘虛下注或好淫強固
其精以致木乘火勢而侮金或炙博厚味過多或勞傷
元氣陰虛火熾皆成斯疾未破曰痔已破曰漏生管者
難治久病咳嗽而生痔者多致不救皆宜戒房勞忌河
豚海腥辛薢椒酒等物

一外痔用蘇合膏塗患處日二次至愈乃止內服杜痔

丸

一內痔用枯痔散用時令患者登廁翻出肛外側臥其痔盡出勿使收入亦有痔自翻出者大如茶杯形如一葷糞從菌心而出痛極上面如盆四邊高心陷下如菌根糞後用杜枸根搗爛煎汁熱熏溫洗或甘草湯葱椒湯俱可洗淨以洞天膏攤如菜碗大中翦一孔以四邊剪開通於孔孔烘鎔加於菌根貼放屁眼四邊圍護好肉誠恐上藥時致藥汁淋於好肉耳每取藥一二分入杯津調筆蘸拂菌之外面四邊各拂一次菌之中心通連屁眼大忌拂藥倘有流入大痛難當拂一兩日毒水流菌形漸縮而輒再拂一兩

日漸鞭而黑菌邊日有枯皮脫下換藥以椀盛湯用筆輕輕洗去舊藥再上新藥仍用護藥如前法三四日之後黃水出將盡可用藥一錢內增硃砂一分如前津調日夜照拂則菌縮小黑鞭再拂至菌根自落全愈內服槐花藥虛人先用八珍湯數劑然後用上法治之

一痔已通腸污從漏孔出者用胡連追毒丸如服後膿水反多者藥力到也勿以爲懼待膿血追盡用黃連閉管丸

一漏有管者用黃連閉管丸早晚服一次重者四十日

可愈

一有血箭痔生肛門或成堵塞墜腫每逢大使用力則鮮血急流如箭不論糞前糞後由腸胃風熱所致生熟三黃湯主之如脣白面色痿黃四肢倦怠屬氣血兩虛宜用十全大補湯去肉桂加柴胡升麻倍薄荷服之外用自已小便洗之或童便熱洗更妙其血自止

一有痔大如拳貫於腸頭發則疼痛僵仆先用荆芥湯洗之次以艾灸其上三五壯如覺一道熱氣貫入腸中必大瀉鮮血穢血一時頓覺痛甚其疾乃愈

一有勤苦勞役之人及婦女輩不能外治則從內裏服藥惟用補中益氣湯隨證加減最妙此常治驗之方也其加減如結腫脹悶加槐角木香梔子之類作痛作痒加防風生地槐花之類下血加地榆烏梅黑荆芥之類潰膿加黃芩銀花生地之類因產而患者加桃仁紅花川芎之類瀉而患者加蒼朮車前熟地之類因痢而患者去黃耆加木香黃芩白芍之類各推病因以施加減在人神而明之不可膠柱鼓瑟

痔漏世人治法多用刀鍼藥綫徒受苦楚而內毒未除外口難長經年累月難奏功效豈果漏瘡之不可治

乎抑酒色之戒不嚴而治之不得其法耳惟以補中
消其溼熱之毒則何漏之不可痊哉方用青龜丸
人有大便時先瀉血幾許而始便糞者人以爲便血病
也孰知肛門暗生血痔日久變爲漏管流膿血不知
受病不同而見證亦異此等之證多得之飲燒酒過
多熱入直腸不得遽洩結成小痔不化久則皮破血
流乃出於直腸之外非出於直腸之中係膀胱之血
也用清源散

蘇合膏

蘇合油

槐花

各一兩
研粉

程膽末

冰片末 各五錢

右研和入洞天嫩膏一兩五錢和勻固貯勿令洩氣臨用取塗患上日二次至愈乃止

枯痔藥

好白礬 四兩

生砒 四錢五分

右研為細末共入陽城罐內

一法先將砒人罐底次將礬末蓋之

外圍炭

火煨之至礬鎔有煙起煙即砒毒人立上風忌聞受

其毒俟煙盡礬枯去炭冷定取出將礬研細末如粉

每取一錢加入飛過硃砂一分研和聽用按此藥只

是借砒氣於礬內又有硃砂以解之

杜痔丸

地骨皮

大生地

各三兩

黃芩

丹皮

各一兩五錢

槐花 一兩

甘草

黃檗

各五錢炒焦

蒼朮

一兩炒焦

右爲末白蜜爲丸每早晚各服五錢

胡連追毒丸

胡黃連

切片薑汁拌炒研末一兩

刺蝟皮

炙切片再炒黃研末一兩

右共和一處研勻軟飯爲丸如麻子大每服一錢食前

開水送服

黃連閉管丸

胡黃連

淨末一兩

穿山甲

油炸

石決明

煨

槐花

各五錢微炒

右研細末煉蜜爲丸如麻子大每服一錢空心清米湯
下早晚服兩次至重者不過四十日愈可代刀鍼藥
綫之力如漏管四邊有肉突起者加殭蠶二十一條
研末入藥內按殭蠶一方作蠶繭

退管丹方存驗

用黃荆條所結之子取炙燥爲末每服五錢黑糖拌
空心陳酒服專治痔漏之管服至管自退出方止

生熟三黃湯

生地

熟地

各二錢

黃連

黃檗

黃芩

人蔘

白朮

蒼朮

厚朴

陳皮

歸身

地榆

防風

澤瀉

甘草

烏梅

右水煎溫服

青龜丸

龜 一箇

茯苓 五兩

羊躑後爪 四副

穿山甲 五錢

人蔘 二兩

乾青苔 一兩

當歸 三兩

瓦松 二條

生黃耆 八兩

白芷 一兩

槐米 一兩

苡仁 六錢

各為細末將龜用石臼搗死以藥末拌之飯內蒸熟將龜肉與甲火焙乾為末用蜜為丸每服二錢服之一

月而漏瘡乾服至二月而漏管滿服完全愈可不再發但服藥必獨宿戒酒色三月倘服藥時不斷酒色不能奏功此方治漏去溼而不散氣敗毒而不損血醫治多人實有神效非謬語也

清源散

黃連 二錢

茯苓 五錢

白芍 五分

葛根 二錢

白芷 三錢

槐花 三分

地榆 三錢

人蔘 三錢

山甲末 一錢

白朮 五分

車前子 二錢

三七根 三錢

水煎調末服三劑血較前更多三劑後減去黃連再服三劑血止而痔愈愈後忌女色百日終身斷酒飲酒

即發慎之

陳遠公治痔方

茯苓 一兩

白芍 一兩

地榆 三錢

苡仁 一兩

穿山甲

一片土炒為末

水煎連服四劑而肛門寬快又四劑內外之痔盡消再

將前方加增十倍修合為丸每日早空心滾水服五

錢服一料即愈此方利水去溼不傷脾胃服之立效

八珍湯

通用二十五

十全大補湯

通用二十六

槐花藥

通用四十二

補中益氣湯

通用三十

坐板瘡

生臀股之間形如黍豆或如風癬色紅作痒破流黃水浸
淫微痛甚則焮痛延及穀道由溽暑坐日曬几橙暑溼
凝滯肌腠所致初用芫花川椒黃蘗煎湯燙洗卽消如
毒盛痒痛仍不止者用硃砂雄黃末各一錢輕粉枯礬
黃蘗各五分共爲末敷之愈如溼腫流水者用五美散
敷

坐板瘡方

先用川椒煎水
洗後再用敷藥

硃砂

雄黃 各一錢

輕粉

枯礬

黃蘗

各五分

共爲末敷之卽愈

五美散

通用
六十七

肛門作痒

肛門作痒或兼赤腫微痛者蟲蝕也視其下脣內必生小白瘡或耳之前後結小核如串珠者是經云脣有瘡蟲蝕其肛蘆薈丸主之外用雄黃銅綠等分爲末撒之

蘆薈丸

蘆薈

子青皮

白薔丸

白蕪蕒

川連

胡連

鶴蝨草

各五錢

木香 一錢

麝香 五分

右共研末蒸餅黏丸麻子大每服一錢空心米湯送下

又方

杏仁搗作膏敷之或研爛以棉蘸塗谷道中

脫肛

脫肛屬氣虛有虛寒而脫者有熱極而脫者寒則洞洩不
濟熱則瀉總以大補元氣兼升提爲主補中益氣湯寒
加蒼朮炮薑熱加芩梔槐花血虛倍歸身加熟地外用
肥皂水洗五倍子末塗之

又方

赤石脂伏龍肝白礬爲末敷之

截腸

大腸頭出寸餘痛苦之極乾則自落落則又出腸盡則死
初覺截時亟用器盛芝麻油坐浸之飲大麻子汁數升
可愈

股部證治

貼骨疽

骱遊風

青骱身疔

驛馬打破

筋脈

股腎下曰股股之內側曰陰股足三陽筋脈循外股足三陰筋脈循陰股

詳見足部筋脈中

癰疽就簡

附骨疽

生大骱外側

齧骨疽

生大骱內側

伏兔疽

生大骱正面用力肉高處肛門

癰

生大骱外側

箕門癰

生大骱肚旁偏於裏側

俱按陽癰陰疽則例治法

貼骨疽

一名環跳疽一名縮腳疽

生跨骨白環穴皮色不異腫鞭作痛甚者腰難屈伸宜用

白芥子搗粉白酒釀調塗或以大戟甘遂二末白蜜調

敷內服陽和湯每日一劑四五日可消消後找服子龍

丸或小金丹以杜患根大忌開刀開刀則定成縮腳損

陽和湯

通用五

子龍丸

通用五十六

小金丹

通用五十二

骹遊風

兩骹裏外忽生赤腫形如堆雲焮熱疼痛治宜先施砭法

放去惡血隨服雙解通聖散一劑次用加味逍遙散加

荆芥外貼牛肉片以拔風毒

雙解通聖散

防風

荆芥

連翹

去心

當歸

赤芍

白朮

炒

梔子

各一錢

黃芩

桔梗 各二錢
滑石 三錢

生甘草 一錢
石膏 三錢

右水煎溫服

加味逍遙散

通用
十六

青骸身疔

此證方書罕載其名僅傳雍正年間北路隨營醫官陶起麟頗得其詳畧云軍中凡病骸腫色青者其上必發疔凡病身疔腐爛者其下必發青骸二者相因而患推其原皆因上爲陽火炎灸下爲陰寒閉鬱以致陰陽上下不交爲寒爲熱自相凝結相近內地間亦有之邊外人雖有不甚多惟內地人初居邊外得此證者十居八九

蓋中國之人本不耐邊外嚴寒更不免坐臥溼地寒溼凝結於下致駸青腫其證形如雲片色似紫如黑肉體頑鞭又緣邊外缺少五穀多食牛羊等肉其熱與溼合蒸瘀胃膈毒火上熏致生疔疔疔齧腐腫出血若穿腮破脣腐爛爲危候相傳止有令服馬乳一法麟初到軍營診視此證亦僅知投以馬乳閱歷旣久因悟馬腦子之力較馬乳爲效倍速於是用馬腦子一箇竹刀挑去筋膜放在碗內先攪勻再以滾黃酒沖令患者服之是夜卽能發出大汗而解諸病滅矣蓋腦性溫暖流通故耳兼服活絡流氣飲加味二妙湯通其經絡宣其血氣

使毒不得凝結外用三棱鍼形如錐挺者向骹上之青處黑處不拘穴道量其黑之大小鍼一分深或十鍼或二十鍼俱可務令黑血流出以殺毒勢更以牛肉割片貼鍼眼並黑處以拔積毒如無牛肉卽用芥菜子搗麩燒酒調敷黑腫處不數日而愈蓋黑血出則陰氣外洩陽氣卽隨陰氣而下降兩相交濟上下自安也若病人形氣衰敗飲食不思者不治身齒俱落紫黑流血腐臭穢者不治滿骹大腫或細而乾枯者不治

活絡流氣飲

一名沖和既濟湯

蒼朮

木瓜

羌活

獨活

牛膝

生附子

山查肉

麻黃

各二錢

烏藥

檳榔

枳殼

乾薑

黃檗

各一錢五分

甘草

八分

黑豆

四十粒

右加生薑三片水四鍾煎一鍾服藥滓再用水三鍾煎

八分服如身疴盛減去乾薑附子加胡黃連二錢龍

膽草二錢身疴輕骹腫痛盛加肉桂二錢寒熱已退

減去羌活麻黃加威靈仙二錢五加皮二錢

加味二妙湯

黃檗

生

蒼朮

水浸

牛膝

各三錢

檳榔

澤瀉

木瓜

烏藥

各二錢

當歸尾

一錢五分

右加黑豆四十九粒生薑三片水三鍾煎一鍾渣再用
水二鍾半煎八分

搽牙牛黃青黛散

牛黃

青黛 各五分

硼砂 二錢

硃砂 一錢

人中白

龍骨 各一錢

冰片 三分

右共研細末先以甘草湯將口漱淨再上此藥

驛馬打破

騎驛馬兩股打破用雞蛋青攤作膏貼之即愈如腫痛未
破用水洗淨在炭火上烤之即愈

膝部證治

鶴膝風

膝眼風

上水魚

人面瘡

筋脈

詳見後足部筋脈中

癰疽就簡

膝癰疽

生膝蓋分紅白

緩癰緩疽

生膝兩旁

委中毒

生委中穴穴在膝後膕中央俗

名駸

俱按陽癰陰疽則例治法

鶴膝風

一名遊膝風一名鼓槌風

初起膝蓋骨內作痛如風氣一樣因循日久膝腫粗大上

下股脛枯細形似鶴膝總由足三陰虧損風寒溼流注

外科證治全書

卷三

膝部證治

三

之爲病也。大防風湯主之。不論已成未成已潰未潰但逐日服之可愈。外用白芥子研細粉白酒釀調塗患處至愈乃止。此證經久潰爛出水漸致偏枯或成漏證及脈大消渴者不治。

人有足脛漸細足膝漸大骨中酸痛身漸瘦弱此鶴膝風證也。其證有二一本於水溼之入骨一本於風溼之入骨大約水溼之證入骨重難移風溼之證骨輕可走至於酸痛則一也。然亦有微別水溼之痛在一處而不遷風溼之痛移來移去而無定二者治法不同水溼用蒸膝湯風溼用散膝湯。

又有瀉痢久而成此證者紅腫作痛成膿用補中益氣湯

一小兒患鶴膝風非必為風寒所痺多因先天所稟腎氣衰弱陰寒凝聚於腰膝現於外可知其內也用六味丸補腎中之水加鹿茸補腎中之火加牛膝引至下部骨節而壯其顛裏之筋乃治本之良方也

蒸膝湯

生黃耆 八兩
金釵石斛 二兩
肉桂 二錢
牛膝 五錢
苡仁 二兩

水煎二椀先服一椀即擁被而臥覺身有汗意再服二

卷之三
三
腕兩足如火熱任其出汗切不可坐起張風俟汗出到腳底湧泉之穴始可去被一劑病減大半再劑全愈

散膝湯

黃耆 五兩

防風 三錢

肉桂 五錢

茯苓 一兩

水煎服服後亦擁被臥出汗汗出愈多病去愈速要知邪由汗出而正自復也風溼用薏苡防桑湯亦效

薏苡防桑湯

防風 三錢

桑葉 二兩

陳皮 一錢

補骨脂 二錢

苡仁 一兩

脛部證治

魚肚癰 膝瘡 爛骹 流火 腎臟風 熱毒流注

爪籐纏 腳氣 腳漏怪疾 鱗漏 骹瘡不愈

筋脈

詳見後足部筋脈中

癰疽就簡

三里發 生膝下三寸外側前廉兩筋間初腫形如黃魚

生骹肚裏側長數寸接骨發 生骹肚之下接骨之上脛

赤腫疼痛形如泥鰍 骨與足後跟骨相接處初

如核桃其鞭如附骨疽 生內踝骨之上三寸係 夾棍疽

物打磕筋之狀 三陰交穴潰難收斂 生足踝近脛之處在外踝者名腳拐毒在內踝者名走

緩又名鞋帶疽在內外踝齊患者名穿踝疽如潰爛日

久形如驢眼者變為臙瘡治當問其初起紅白治法以上諸證凡初起色赤高腫

熱痛者用仙方活命飲醒消丸以解壅毒潰後用生料

補中益氣湯加川芎白芷銀花赤芍煎湯服或與六味

地黃湯早晚輪服至愈乃止或色白或黯色不甚痛者

用隔蒜灸法以行壅滯助陽氣服陽和湯大防風湯既

潰惟大防風湯最妙或與小金丹並進尤妙其外敷貼

藥俱按陽癰陰疽則例治法

魚肚癰

生小腰肚高腫焮赤此肉緊筋橫一身用力之處最痛難

忍外用葶麻拔毒法紮上用孕婦忌用胎墮內以五通丸醒消

丸每日早晚輪服初起者卽消如已成膿不可開刀須用藥絞潰庶無傷筋縮腳之虞貼洞天膏服內托散加乳香沒藥數劑收功若患色白者則按陰疽則例治法忌用前藥並紮法

洞天膏

通用
七十六

臙瘡

生於兩脛內外臙骨外臙屬足三陽溼熱下注外邪搏聚易治內臙屬足三陰虧損虛邪纏綿難治初發先痒後痛紅腫成片人溲敗毒散加牛膝木瓜苡仁主之熱加酒炒黃檗痒加防風痛加乳香沒藥破流紫水八味道

遙散加減如前日久腐爛膿水淋漓內熱倦怠或瘡內
出血不止或瘡色紫黯日輕夜重則用補中益氣湯加
茯苓酒炒白芍鹽炒黃蘗兼六味地黃丸服之外用蔥
艾湯洗夾紙膏貼以輭帛縛定三日一易

一有年久頑瘡皮烏黑下陷起肛臭穢不堪輕則按後
爛骹法重則按翻花起肛治法

一有初起不紅但漫腫作痛或鞭腫不甚痛或色黯肢
體畏寒飲食少思乃屬脾腎虛敗須用八味地黃丸
及陰疽治法若誤投攻伐清涼損傷胃氣則危矣

夾紙膏

黃蠟 五兩 黃丹 飛

鉛粉 各四兩

輕粉

乳香

沒藥 各五錢

冰片 三分

麻油 春夏二兩 秋冬三兩

右先將蠟油煎五六沸下沒乳末再二三沸下輕粉隨

下丹粉槐柳枝攪十餘次取起冷定後下冰片攪勻

瓶盛浸水中一宿出火毒用時先以苦茶洗瘡將膏

用薄油紙較患處長闊一倍以膏攤一面餘一面刺

孔數十折束葢膏以有孔一面向患處貼三日一換

三貼即愈

又方 存驗

製松香 一兩

乳香

沒藥 各五錢

輕粉末 五錢

右將松香乳香沒藥同入銅銚鎔化傾水中候冷取出
加輕粉研末真麻油調攤油紙上再用油紙一層緘
刺孔數十眼掩藥上貼之以輭帛縛定三日一易

又方

用修船舊油灰煨熟石膏鍊丹各等分研極細末先
將豆腐溫水洗淨患處以麻油調藥敷之極厚三日
一換無有不愈

又方

用生過三胎母豬糞燒灰存性入生桐油調擦瘡上
神效

人浸敗毒散通用 加味道遙散通用 補中益氣湯通用

六味地黃丸通用 八味地黃丸通用

爛骹

生於小骹血凝氣滯男人謂之爛骹女人謂之裙風初起
或骹上抓破或生小瘡溼痒因經熱湯燙洗或食毒物
或用瘡癬膏貼爛成一孔經年累月腐臭憎人宜用烏
金膏照患孔大小剪如膏藥一方鍼刺二三十眼取光
面貼孔日煎紫花地丁湯洗孔並洗膏二次三日內毒
水流淨色變紅活以飛過伏龍肝撒上仍用前膏貼外
收功戒多立行走房事發物凡婦人須待月信之後貼

起

烏金膏

烏鉛 一斤
砒 三錢

右同入銚熔化次日鉛面刮下者名金頂砒再以鉛溶化澆薄如紙片聽用

流火

生小駸紅腫放亮熱痛如燒不潰不爛多在小駸肚之下時醫惟知以刀鑱血出或以鱔魚血塗總無全愈之日時常發作復鑱復塗而已須用礬石灰化於缸內次日水面上結一層如薄冰者取起以桐油對調膩厚每日

拂上二三次數日全愈不復發忌食豬肉

附方 存驗

用馬車子磨水敷之一日數次其痛止

又方

用鮮鳳仙花鮮紫蘇二味洗淨連根葉搗爛放木盆內以滾水沖入腳架盆上熏至可洗以軟帛洗之立愈十餘年者不過洗三四次不發矣

腎臟風

腎虛風邪乘於臙脛皮膚如癬搔痒起久則成膿水淋漓漸延上股甚則延及遍身日輕夜重眼目暈花口燥吐

痰腰骶倦怠發熱盜汗治法用六味地黃丸補腎水為
主佐以四生散祛風邪若脾胃虛弱者兼服補中益氣
湯外以蔥椒湯洗繡球丸擦之

四生散

黃耆 獨活 白附子 白蒺藜 等分

右為末每服三錢用豬腰子一枚批開入藥末溼紙包

煨熟空心連腰子細嚼鹽湯下

六味地黃丸 通用 四十三 繡球丸 方見疥瘡下 補中益氣湯 通用 三十

熱毒流注

生兩骶脛流行不定或發一二處色赤腫痛潰膿乃溼熱

下注內服仙方活命飲加牛膝以解毒壅外貼洞天膏
易愈如患色微紅或初起粟米漸大疼痛相兼破流黃
水浸淫成片甚至骸肉浮腫皆屬脾腎虧損難治須內
用補中益氣湯爲主加防風獨活痛加丹皮山梔仁甚
者加炒黃檗兼服六味地黃丸外以貫仲煎湯淋洗五
倍子細末津調于逐瘡四圍塗之自外收內每日一次
漸漸自愈不可妄投攻發卽如前溼熱下注之證服活
命飲後亦當接用補中益氣湯六味地黃丸以補精氣
爲善

仙方活命飲

通用

洞天膏

通用

補中益氣湯

通用

六味地黃丸

通用 四十三

瓜藤纏

繞脛結核數枚不紅微痛或不痛初起以子龍丸每服三

分淡薑湯每日服三次至消乃止或小金丹亦可若日

久腫痛腐潰不已者則必服犀黃丸兼服溫補祛痰之

劑外貼陽和解凝膏漸冀收功

子龍丸

通用 五十六

小金丹

通用 五十二

犀黃丸

通用 四十八

陽和解凝膏

通用 七十七

腳氣 一名壅疾

頭疼發熱惡寒狀類傷寒始必兩腳酸軟惟溼乃腳氣主

病溼傷脾胃外復感風寒暑溼內外相搏氣不行則痛
血不行則腫又必察其足脛色赤者爲溼熱黃白色者
爲寒溼又腫者爲溼腳氣不腫者爲乾腳氣腳氣壅疾
也喜通惡塞宜用挾壅湯熱加黃檗寒加肉桂愈後接
服六斤丸調補腳氣能令人死紅腫如雲根自足起上
升入心則嘔血而死腎目與額皆黑則沖胸喘急而死
一腳氣瘡脛足胖腫生瘡痒痛出黃水結黃痂頗類黃
水瘡惟身體壯熱心神煩躁經久難痊用挾壅湯加
黃檗山梔外敷五美散

人兩肘忽然紅腫發熱兩脛俱浮作痛頗類傷寒證中

原有腳氣之條然腳氣非傷寒也腳氣感染溼熱證
從下受傷寒感冒風寒先從上受故傷寒乃陽證而
腳氣乃陰病也夫熱下感宜從下治消其溼熱溼熱
下行身熱自解若用風藥解之反溼邪上犯以風藥
多陽升之藥也宜用消腑飲

扶壅湯

蒼朮

苡仁

木瓜

牛膝

川芎

羌活

獨活

木通

防風

右水煎熱服

六斤丸

木瓜

牛膝

肉苳蓉

去甲膜
洗淡

明天麻

枸杞子

鹿角膠

各一斤

右為末蜜丸梧子大空心黃酒下百丸久服腳氣可以

除根

消胛飲

茯苓 一兩

茵陳 一錢

防己 一錢

炒梔子 一錢

苡仁 一兩

澤瀉 三錢

木瓜 一錢

水煎服一劑小便利二劑身熱解再用二劑而腳腫消

再二劑全愈

五美散

通用
六十七

腳漏怪疾

腳氣成漏跟有小孔深半寸其痛異常用初取溼人中白
火煨有水出滴入瘡口

鱧漏

有人腳肚生一瘡久遂成漏百治不效自度必死一村夫
見之曰此鱧漏也用石灰溫湯泡熏洗覺痒卽是也洗
不數次卽愈石灰湯洗後用陳石灰敷之更妙按鱧漏
生骹肚初起類溼瘡痒痛相兼破爛孔數處其孔深如
鑽眼津流黃水緜緜不已復入瘡孔多致惡寒肌冷

骰瘡不愈

用生甘草五錢 煮豆腐一塊極老敷上一時許取去另用

血餘五錢 舊船底上石灰三錢 陀淺一錢五分 黃槩四錢 生肌

散三錢 其末用麻油熬成膏多數即愈

足部證治

足發

湧泉疽

脫疽

敦癰

四淫

厲癰

足跟疽

土粟

田螺泡

冷疔

牛程躩

臭田螺

甲疽

嵌甲

肉刺

足釘怪疾

無名毒

腳泡

女人裹腳方

附

遠行腳腫方

冬月手足坼裂方

筋脈

踝下曰足足背曰跗一名足趺俗名足面足後跟曰跟足

指曰趾趾者別於手也足之趾節與手指節同其大趾之本節後內側圓骨形突者名核骨足大指爪甲後爲三毛毛後橫紋爲聚毛足下面着地者爲踵俗名腳底版

足大趾外側屬肝內側屬脾脾筋脈皆起於足大指隱白穴爲脾井溜于節後陷中大都穴爲脾榮注於內側核骨下太白穴爲脾腧循大趾本節後一寸公孫穴爲脾絡歷內踝前三分陷中商丘穴爲脾經由是循經骨後結於膝內輔骨陰陵泉之次爲脾合從此直上至陰股結於髀箕門穴之次肝筋脈皆起於足大指外側叢毛之

際大敦穴爲肝井溜於指縫中行閒穴爲肝榮行跗上
注於本節後二寸動脈中太衝穴爲肝腧結于內踝前
一寸中封穴之次爲肝經循踝上五寸蠡溝穴爲肝絡
直上內輔骨下橫紋盡處曲泉穴爲肝合陰股五里陰
廉之次

足二趾 卽大趾之次趾

足三趾

一名中趾

屬胃胃筋脈起于足中趾內側厲兌穴爲胃

井溜于次趾外側陷中內庭穴爲胃榮注于內庭後二
寸陷谷穴爲胃腧過于跗上去內庭五寸衝陽穴胃原
自足跗直上循足脛歷腕上繫草鞋處解谿穴爲胃經

又歷外踝上八寸豐隆穴爲胃絡結于膝下三寸三里
穴爲胃合上膝循伏兔結于髀膝上起肉處爲伏兔後爲脾關其脈自
伏兔直下抵足跗入中趾內閒其支者別跗上入大趾
閒出其端

足四趾即小趾之次趾屬膽膽筋起足四趾外端竅陰穴之次爲

膽井趾歧骨閒有俠谿穴爲膽榮俠谿上寸半有臨泣
穴爲膽腧俠谿上四寸五分有丘墟穴爲膽原外踝上
四寸陽輔穴爲膽經外踝上五寸光明穴爲膽合由是
上走髀分爲兩歧前者結伏兔後者結于尻直者上季
脇其于自陽白直下出膝外臙循經抵外踝至足跗入

四趾之間支者別跗上入大趾貫爪甲後

足小趾趾下屬腎外側屬膀胱筋脈俱起小趾之下斜趨

足心湧泉穴爲腎井又斜趨內側內踝前一寸大骨下

有然谷穴爲腎榮跟踵踵卽跟踝上鞭筋處陷中有太

谿穴爲腎腧自跟別至跟後踝中大骨上兩筋間有大

鐘穴爲腎絡踝上二寸復溜穴爲腎經上臑足中臑出

臑內廉結於內輔骨下陰谷穴之次爲腎合從是並六

陽之筋上循陰股

膀胱筋起小趾外側至爪甲一分至陰穴之次爲膀胱井

歷本節之前陷中有通谷穴爲膀胱榮本節之後陷中

有束骨穴爲膀胱膈外側大骨之下有京骨穴爲膀胱
原外踝後跟骨上有崑崙穴爲膀胱經循跟直上至外
踝上七寸有飛陽穴爲膀胱絡貫膈結於臑臑卽在膝
委中
腕內約紋中爲膀胱合由脰直上結于臀其脈從腰抵
臑出小趾外側

足發 一名足跗發 足背上爲足背發

凡腳赤腫痛潰膿足三陽溼熱可治微赤微腫膿清或出
水足三陰虧損難治溼熱者用仙方活命飲既潰用內
托散加金銀花外貼膏出膿而愈虧損者用補中益氣
湯六味地黃丸聽其漸愈蓋四肢皆稟氣于胃胃氣血

盛則善步胃血氣少則少肉善寒漸成痿厥足痺故足疾必用補中益氣湯不可不知若黑暗不腫痛不潰膿煩熱作渴小便淋漓者陰敗未傳惡證也急着肉灸之以行壅滯助陽氣內服十全大補湯八味地黃丸以壯脾土滋化源亦有生者

仙方活命飲

通用

補中益氣湯

通用

內托散

通用

十全大補湯

通用

六味地黃丸

通用

八味地黃丸

通用

湧泉疽

一名足心發

又名穿窟天蛇

俗名病穿版

生足底湧泉穴乃腎經虛損之證當別紅白按陽癰陰疽

則例治法

一凡足心或熱或痒痛或麻或腫脹皆腎虛六味八味消息用之

一有足心疼如中箭忽發忽歇此腎之風毒瀉腎則愈
六味地黃湯加獨活黃檗

六味地黃丸

通用
四十三

八味地黃湯

通用
四十五

脫疽 敦癰

生足趾初起色白麻痛或不痛者名脫疽初起色赤腫痛如湯發火燎者名敦癰脫疽以手部脫疽法治之敦癰以脛部毒熱流注法治之

四淫 厲癰

靈樞云發于足上下名曰四淫其狀大急治之百日死發于足旁名曰厲癰其狀不大急治之去其黑者不消輒益不治百日死按此二證亦不外乎色紅色白癰疽別治

足跟疽

古名兔啣俗名腳攀跟

足跟腫痛或瘡如豆粒當辨其色紅色白按陽癰陰疽則例治法但此乃二躄發源之處腎經所由之地若瘡潰不合則躄氣不發生腎氣從此漏洩須兼以補中益氣湯六味八味丸隨宜取用以滋化源蓋患先得於虛既潰膿水淋漓以虛益虛雖大補氣血猶恐不及若專治

其外務末忘本必不能愈

補中益氣湯

通用

六味地黃丸

通用

八味地黃丸

通用

土栗

一名琉璃發

生足跟旁形如棗栗色黃而亮腫若琉璃由行崎嶇之路
勞傷筋脈而成初用仙方活命飲加木香宣通壅滯膿
熟鍼之餘按陽癰則例治法

仙方活命飲

通用

田螺泡

生足掌初如火燎隨生紫白黃泡悶腫鞭疼不能着地連
生數泡皮厚難于自破三五日成片溼爛甚則足跗俱

腫寒熱往來此肝脾風溼攻注用苦蕒葛蒲野艾熬湯
熱洗次用綫鍼將泡挑破洩去毒水貼洞天膏內服解
毒瀉肝湯如溼重流水者則以五美散撒之更用膏蓋
貼

解毒瀉肝湯

防風

山梔

石膏

黃芩

蒼朮

木通

生甘草

各二錢

右加銚心三十根水酒各半煎食前服

洞天膏

通用
七十六

五美散

通用
六十七

冷疔

初起紫白泡疼痛徹骨漸至腐爛深孔紫黑血水腥穢日
久不愈宜用蔥湯洗淨鉛粉散敷之愈

鉛粉散

黑鉛四錢鐵杓內化開傾入水中取起再化如
此百遍以鉛淨為度去水取澄者三錢

製松脂一錢 飛黃丹 輕粉各五分 麝香一分

右共為細末麻油調勻塗瘡口油紙蓋之

牛程躑一作牛乘躑

生於腳掌皮鞭高腫色黃疼痛不能步履由腳熱著冷水
寒熱搏滯而成宜略去老皮以生草烏酒磨厚塗日數
次至愈乃止若內已成膿則用鍼刺破出膿水每日米

泔水熱洗洞天膏貼之四圍頑皮浮起則輕輕剪去搽生肌藥而愈

洞天膏 通用 七十六

臭田螺 俗名爛腳了

腳了起粟米白泡極痒搓至皮爛津腥臭水覺疼時其痒方止次日仍痒如故經年不愈亦或痒痛出水腫焮脚面此皆陰虛溼熱下注三陰不足主治補中益氣湯六味地黃丸間服自愈外以五美散搽之

爛腳趾縫方

鮮鷺掌黃皮陰乾燒灰存性為末糝之極效

又方

好黃丹一味糝三五次即愈

補中益氣湯

通用三十

六味地黃丸

通用四十三

五美散

通用六十七

甲疽

趾甲崩起一努肉突出潰爛浸黃水疼痛難忍常時舉發

者名甲疽用耆毒油日三次毒消口斂

耆毒油

黃耆

二兩醋浸一宿

狼毒

豬脂

五兩

右微火上煎取二兩絞去渣退火氣以封瘡口效

又方

存驗

用綠礬置鐵片上煨沸色赤如鎔金者爲真沸定取
起研末以鹽湯調搽之

嵌甲

足趾甲入肉作瘡不能行履用陳皮濃煎湯洗之良久甲
肉自離輕手翦去以虎骨末敷之卽安或綠礬煨末敷
之蝕惡肉生新肉細細翦去甲角旬日卽效

肉刺 俗名雞眼

生於腳趾形如雞眼根陷內裏頂起鞭凸疼痛步履維艱
女子每因纏傷或著窄鞋男子因窄鞋遠行皆生此疾
用紫玉簪根搗塗

又方

用蔥剖開將有汁沫一邊貼之包住數次卽消

足釘怪疾

兩足心凸腫上生黑豆瘡鞭如釘脛骨生碎孔髓流出身發寒顫惟思飲食此是肝腎冷熱相吞用韭子煎湯日服外以炮川烏末敷之

無名毒

一有指頭忽先發痒已而作痛指甲現黑色第二日腳趾俱黑三日連足面俱黑至腳上脛骨此爲無名腫毒因多服春藥是火熱之毒非腳疽脫骨疽可比若脫骨疽

腳疽只黑在腳趾而不黑在腳面也治法必須大補氣血瀉毒之味用顧步湯若已潰爛多服數劑無不愈也
顧步湯

牛膝

金釵石斛

各一兩

人蔘

三錢

黃耆

一兩

當歸

一兩

金銀花

二兩

右水煎服一劑而黑色解二劑而疼痛止三劑全愈

腳泡

凡遠行腳趺成泡用白麪水調塗之一夜即平

附方

女人裹腳方

名脫骨湯

杏仁 一錢
桑白皮 四錢

水五碗新瓶煎三碗入樸消 五錢 乳香 一錢 封口煎化

置腳於上先熏後洗三日一作十餘次後軟若束棉
矣其生瘡潰爛者荆芥末敷之

遠行腳腫方

草烏 細辛 防風

各等分爲末鋪鞋底內以水拌溼布襯踏之行

冬月手足坼裂方 名黃蠟膏

清油 五錢 漫火煎沸入黃蠟一塊同煎光粉少許熬

紫色爲度先用熱水洗患處火烘乾取藥填敷以紙

貼之其痛立止入水亦不落每臨用以火炙動挑敷
但藥內粉不可多多則鞭

外科證治全書卷三終